



5472

文章游戲二編卷四目次

銘

由吾銘

茶室銘

仁和

胡

耕

鐵乎



贊

醉鍾仙畫像贊

鐵拐李仙畫像贊

洪幢浦別脚小影贊

茅慰萱

湯 誥

湯 誥

文章游戲二編卷四目次

歎

青甌歎

文

詰愁文

自嘲文

自壽文

自祭文

魯國梁

魯國梁

金谿 蔡上庠 吾應

仁和 張寧錫 不波

書

文章游戲二編卷四目次

寄葉雙鳳校書書

楊眷主

代馬面寄牛頭書

慈谿姜詔丁橋

寄郁小呂書

繆艮

寄示三兒允元書

繆艮

啟

吳衡新婚戲索繡製啟

湯誥

評

繆蓮仙姚氏書目序評仁和

曹斯棟僊菴

嘲

懼內嘲

湯春生

四六

十八四六

湯春生

擬卦

隨卦

繆艮

大壯卦

繆艮

大畜卦

繆艮

文章遊戲三編卷四目次

二

解卦

繆 艮

小畜卦

繆 艮

擬誥

師誥

繆 艮

文章游戲二編 卷四 目次

三



文章遊戲二編卷四

仁和 繆 艮 蓮仙 輯

由吾銘 仿劉禹錫
陋室銘

胡 耕

賭不在高久。慣則名交不在深。有錢則靈。斯是
陋品。害人寧馨。元絲上戩。白方孔。擺臺青皮綿。
別花樣。三六夾板丁。可以過。瞎琴。攬藏經。報磕
槌之滿耳。數籌馬之勞形。贏入迷魂陣。輸走剝
衣亭。君子云何益之有。

文章遊戲二編卷四

向有由吾銘一篇。少粗疎。鐵乎先生戲為改。
正且全依陋室銘本韻。較原作益見細膩。繆
蓮仙

茶室銘

仿劉禹錫陋室銘

繆良

茶不在高。趁錢則名。水不在渾。打禁則清。斯是茶室。維揚大興。小菜堆盤。滿香片入壺。馨談笑有閒客。往來多雜賓。可以喫水煙。剝花生。有方言之亂耳。來字漫之。跌成盧仝。攜友至。陸羽喚車停。劉伶云何趣之有。

揚州酒市少。而茶社多。欸客者咸聚焉。一日偶過天寧門外。香雪居品茶。壁間書陋室銘。

文章游戲編卷四

一一

一則因戲改茶室銘。博同座者捧腹。篇中所用小茶。香片。水煙。花生。跌成等語。皆廣陵實事也。游其地者。自能悉之。自記

信手拈來自成妙諦。江雪門

醉鍾仙畫像贊

茅慰萱

苜蒲鏤屑記荆楚之歲時。道子寫生說開元之遺事。屈夫艾人簪鬢粉獸堆盤。胸佩赤靈之符。腰采白蜃之角。銀蒜握而天師懸。錦標轟而左徒弔。則有功名槐笏。游戲烏鞞。不信老仙。翻憐小妹。未成進士。合喚先生。認訛字於終葵。問故山之捷徑。靈祇應夢。妖徵沈括之談。植髮衝冠。怒憶馬麟之畫。孽除虛耗。說未荒唐。若乃鋪糟

文章游戲二編卷四

三

餒醜傾觴。瀝擘神具。醉止來路。鬼之擲榆。我乃酒狂近謫。仙之面目。猶龍嚼處。借薩家赤脚之吟。雙鹿騎來。訝唐氏接羅之像。老饕拉雜。故態淋漓。此則說部之煙雲。畫師之狡獪也。已某五窮厄。命千里。辭家每思。畫舫笙歌。繡簾蘭艾。五風十雨。節過梅黃。解纒絲日。占地臘高。懸一燈。欲驚兒女之魂。妥侑三巡。敬酌蒲萄之釀。偶觀短幅。振觸羈愁。何時畫鼓喧闐。指點七娘廟。

舍試借芳樽。斟酌消磨五日陰。吾杭五日率
集臯亭山觀

渡競

寫酣嬉之態。傳阿堵之神。如能借以酒杯定
澆傀儡。或可送將窮鬼。幸免揶揄。繆蓮仙

鐵拐李仙畫像贊

集經語

湯誥

有客有客。醉言舞于思。于思撰杖屨。其行次且。
若有疾顛。頤傷足成。其股終南。何有胡不歸。八
月斷壺。不我與王道。平平獨行踽踽。彼何人斯。
跛能履。

集經書能以二語合成一句。且確切李仙是
為巧不可階。繆蓮仙

洪。腫。浦。別。鄙。小。影。贊。

集經語 湯 誥

咸。其。拇。行。有。膏。厚。也。高。也。至。今。爲。梗。厥。足。用。傷。
蹙。蹙。靡。所。騁。修。之。平。之。則。濟。之。以。猛。夫。子。之。足。
瘳。矣。乃。可。以。逞。

俗題雅做。文人無所不可。繆蓮仙

青氈歎

繆良

嗟嗟寒士。以硯爲田。老之將至。長此一氈。晨昏
結伴。垂三十年。憶昔弱冠。京邸言旋。何以謀食。
茅屋數椽。童蒙求我。賴爾周旋。一芹初擷。村塾
相延。惟攜爾往。東播西遷。書策在後。琴瑟在前。
伊唔終日。爾最安便。及壯有室。重擔獨肩。饑來
驅去。登山涉川。江左江右。遠道縣縣。追隨有爾。
乾餱罔愆。越庚午歲。投足南天。惟予與爾同病。

文章游戲二編卷四

七

相憐。藉此餬口。如香火緣。淹忽六載。時乃迤邐。
燕逢秋社。舊壘非堅。僧退開院。團蒲遂穿。半生
共守。一旦同捐。譬如寶劍埋則黯。然譬如敝屣。
棄亦脫然。玉毀於櫝。珠沈於淵。黃鐘廢置。瓦釜
喧傳。孰分美惡。誰辨姪妍。爾用不售。我愛難偏。
氈乎氈乎。舍旃舍旃。饑和雪嚼。爾無尤焉。痛偕
針坐。爾無嫌焉。嗚呼噫嘻。物猶如此。人何堪焉。
如怨如慕。如泣如訴。昔人短檠歌。同此一副。

悲淚
一片哀音
湯小眉

文章遊戲二編卷四

八

詰愁文

魯國梁

嗟。予。懷。之。佗。際。誠。不。知。其。何。因。謂。窮。途。之。常。困。
謂。壯。志。之。莫。伸。謂。縈。情。夫。故。土。謂。繫。念。乎。私。人。
則。予。不。思。求。崑。山。之。玉。則。予。不。思。獲。麗。水。之。金。
則。予。不。思。上。宰。相。之。書。則。予。不。思。鼓。君。王。之。琴。
則。予。不。思。起。鳳。騰。蛟。壯。英。雄。之。氣。則。予。不。思。調。
鶯。惜。燕。效。兒。女。之。情。胡。爲。乎。腸。九。迴。而。鬱。鬱。心。
百。折。而。怛。怛。或。遠。慮。乎。未。來。之。日。或。隱。憂。乎。已。

往。之。時。或。妄。想。乎。天。長。地。久。或。馳。情。乎。山。巔。水。
湄。或。相。感。乎。花。殘。月。缺。或。致。慨。乎。物。換。星。移。或。
冠。裳。之。具。集。而。紊。乎。威。與。儀。或。酒。殽。之。雜。陳。而。
忘。乎。渴。與。饑。時。而。倚。欄。以。暗。泣。時。而。拔。劍。以。哀。
歌。時。而。正。襟。危。坐。以。安。乎。寥。寂。時。而。披。髮。狂。行。
以。任。其。婆。娑。蕩。蕩。然。意。繫。馬。之。是。若。搖。搖。然。心。
懸。旌。之。相。如。戚。戚。然。顛。旋。解。而。旋。復。淒。淒。然。眉。
倏。顰。而。倏。舒。纍。纍。然。幾。似。喪。家。之。狗。悶。悶。然。宛。

同覆巢之鳥。恍兮惚兮。若癡若愚。問之於卜筮。則爲厲爲祟。龜既墨墨。而無據質之於彼蒼。則無臭無聲。天更高高。而難訴証之於他人。則擬議焉。而罔識我躬之蔽錮。返之於一己。亦思維焉。而莫測其中情之驚怖吁嗟。噫嘻。予懷之佗。際誠不知其何故。

愁來無端。吾亦烏從而詰之。
繆蓮仙

自嘲文

魯國梁

吾不知大地胡爲而生我。我又何樂而生於天地間也。夫人之寓形於世。夢幻耳。泡影耳。其索然而寡味也。固也。然或被其體。果其腹。耳目心志。尙得如我意之所期。則無榮也。而亦未見其辱。無樂也。而亦未見其苦。於是而具此行尸坐肉之軀。以與世周旋。則猶無害其爲人。是故貴而趙孟可也。富而陶朱可也。不然。則才同潘陸

文章游戲二編卷四

十一

也。不然。則智比蘇張也。不然。則勇如賁育也。之數者。或以勢。擢。或以資。通。或以學。求。或以計。取。或以力。爭。皆可如我意之所期。而無害其爲人者也。而以言乎我。則舉所謂衣紫而腰金者。夢想焉已耳。而天嗇我以貴。舉所謂粟紅而貫朽者。神遇焉已耳。而天吝我以富。舉所謂五車一石如囊。若藪。拔山扛鼎者。寤思焉已耳。而天闕我以才。以智。以勇。夫生斯世也。卽富貴才力之

無不備具以適乎我意之所期猶曰石之火電
之光耳矧並此區區者而亦不余畀也則雉頭
狐腋美以都也而我且挾纊之難邀熊掌猩唇
甘以旨也而我且壺飧之莫饜彈絲品竹夏石
敲金颯颯傾聽也而我且八音之迭奏終歲無
聞暈碧裁紅妃青儷白郁郁美觀也而我且五
采之彰施頻年罔覩忝油麥秀以慶盈寧也而
我且無田致嘅膏腴之百畝奚存松茂竹苞以
美輸與也而我且仰屋興嗟風雨之一椽如故
連騎結駟世競榮也而我且騏驥不維於櫪下
轉訝空羣懷瑾握瑜人爭羨也而我且瓊琚不
蓄於櫝中誰憐喪寶鬪雞走狗喝雉呼盧豪情
勃發也而我且閉門僵臥未嘗共暢其懷挾矢
張弓掩羣圍澤逸興遄飛也而我且袖手旁觀
未得稍抒其鬱豔妾盈庭金釵十二也而我且
東門欲出徒興匪我之思嘉賓列座珠履三千

也而我且北海難幾莫致得朋之慶風清月朗
水複山重大塊假以文章也而我且幽賞之未
能花明柳暗燕語鶯啼陽春召以煙景也而我
且良辰之虛負是則我之於世辱矣而無榮云
乎哉苦矣而無樂云乎哉嗟嗟賦以知覺運動
之身而償以坎珂連遭之境吾不知天地胡爲
而生我我又何樂而生於天地間也

者般景况吾亦云然

繆蓮仙

自壽文

蔡上庠

乾隆六十年乙卯。吾應居士年七十有九。明年丙辰正月十五日。年八十。客曰。年八十宜祝。祝壽宜有文。文宜有屏。而文必歸之能者。能者曷歸歸之。先生自道。居士曰。屏者憑也。凡爲屏文者。言美不言惡。專言美何足以爲憑。兼言惡。豈有先生自道之。而自詈之之理。無已則且以壽言。壽昔侯官林春澤太守年九十歲。是年正月

文章游戲三編卷四

十四

元日。有里人祝願公百齡。公曰。不會要君養我。奈何。限我壽耶。後來林公得一百四歲。今子年八十。諸君亦知千年之所至乎。憶乾隆庚申歲。考作吾日三省吾身題文。宗師錄取一等第二名。由是遠邇延爲館師。多因此文也。乙丑。在南康。一日諸生山行。有兩道人在松下賭碁。諸生耦坐。因誦子文曰。人生祇此百年。見功之少。不及見過之多。遂相謂云。先生此文。不愧宗師評。

曰真學人語。維時西邊道人向東坐者曰。果老此文口氣不好。計伊作文時年二十四歲。開口便說人生。祇此百年。卽此便是文讖。將來不幸短命。只有百年而已。及諸生回言。予亦深自悔恨。若當時說會子意。謂人生見功之少。不及見過之多。亦可。或說人生卽過百年。見功之少。不及見過之多。亦無不可。爲何說出祇此百年四字。及七十歲有宜。黃相士人稱爲李潑皮者。對

江著山云。昔相城東蔡公。定有九十八歲潑皮較道人所言。雖少兩歲。而不中不遠。諒非虛譽。惟是人定亦可勝天。故是年作晉國亦仕國也。題文自比廉將軍。飯斗米。肉十斤。披甲上馬時。旋聞有見之者曰。此文祇似廿歲以內人所作。若廿外便不爾也。由是言之。老人孩氣未除。亦壽之徵。八十曰耄。何賀之有。况予六十官東鄉。時有詩爲証。其詩曰。六十忽而至。世俗有常套。

紛紛來上壽。弄得頗煩躁。諸君備隆儀。來意雖然好。我却不敢受。心領就是了。次年又有詩曰。去年六十歲。今春又加一天公。賜我壽三萬六千日。較之蠟燭酒所受。更着實。依舊謹奉璧。莫怪僕粗率。及七十家居正月。有胡君深源。招我流連。山庄旬日而後。反此皆不受賀之明驗也。若夫欲知子年之所至。則又有說。憶庚戌往宜黃。過上頓溪門人李崇禮之室。吾谿邑彭氏女。

文游戲二編卷四

六

子也。年踰六十矣。出見且拜曰。願師公百年壽。考我願長爲契女也。辛亥至直源門人黃宅。有彭氏女子出拜。呼我爲父。甲寅過上斯彭氏。有女子出拜。吾以女受之。若親女然。因思諸女子。呼我爲父。諸女子之子。遂當呼我爲祖。是亦一彭祖也。天公或者默使諸女子。三致意乎。上頓女子。遠隨南安儒學署。李生郵其文。將製屏以祝。因寄語諸女子曰。爾祖籛公。是孔子所

謂老彭世傳爲彭祖八百歲吾若八十製一屏
當十其屏亦十其文矣乃其文至今無傳獨有
孔夫子述而不作信而好古八字抵作八百歲
一篇壽文何其簡也愚謂人能信古能好古能
使後世有述雖壽且千齡可也何有於百歲八
百歲哉李生起子者亦能爲我言之乎

涉筆成趣。詼諧中格極謹嚴。洵非老手不辦。
繆蓮仙

自祭文

并序

張寧錫

竊惟盈虛消息。天道本無私。豐嗇窮通。人生各有命。剝而仍復。理固宜然。否乃終凶。數何至此。寧也百年過半。一事無成。惟昔連遭蚤多缺陷。及今况瘁。徒費周章。悟香巖之無錐。非關學佛。悲漆園之涸轍。尤媿監河。歲且游饑。難憑氣化。而捐衣食。身如僵仆。不待涅槃而混死生。魂也何招。居兮安卜。人皆各事其

文章游戲二編卷四

七

事。我獨自憂其憂。莫與談心。羞爲饒舌。爰申侘傺。率筆以成文。言感浮沈。撫躬而賁恨云爾。

惟年月日。平安里瞿瞿軒主人。謹以朽枿爲香。流潦爲酒。惡氣滿腔。衝喉噴口。吮筆濡墨。作文一首。自祭告於我父母之所生長。我諸弟之所肩隨。我妻孥之所依倚。而前生莫知所自來。半世徒存。而如贅不通。世故未知結局之人。曰嗚

呼爾其死耶爾胡不早死而今方死也爾非死耶爾已不異死而胡弗死也夫爾死而於爾一生之分歉然無一自盡是死而有餘辜者也徒抱恨於九原而補楛無從其誰哀爾之死耶爾非死而於爾一生之爲杳然無一可據心之所懷身之所任遷延日久而一無克舉仍不死中之罪人也且覩焉終老無益於人世又誰愛爾之不死耶嗟乎爾死無以爲死爾生無以爲生亦安用爾具形於天壤之間視聽食息於百物之列塊然而似有廢然而若無也哉今夫人孰不死要當其不死之時有無愧於己者而後可以死故死而瞑目且死而不朽死而可惜耳夫仁義美德也忠孝大綱也聖賢之業人倫之表古今來亦有數矣已非所望於爾矣其次則修行砥名建功立績爲時保障爲親顯揚此其盡人事之實而能不愧有以彪炳於人世者也然

猶未可以多求於爾矣。等而下之於尋常庸衆之中。而爲鄉黨之自好。或一節之見長。非曰立身卽保家可也。非曰濟世。雖通俗亦可也。隨分自盡。因事効能。亦庶幾有當於人之爲人者歟。乃求之於爾。而竟何有哉。嗟乎。吾不知爾之死。與非死。而爾祇可哀也已。念爾自有生以來。家值否塞。身歷屯艱。然名得列於青衿。食亦叨乎廩餼。爾數口尙有立錫。二親竟棄淺土。誰非人。

子。生弗養而死弗葬。此真不孝之渠魁而冥誅之所不赦矣。至若手足五人。不盡和協。其不相能者。爾旣不調劑之。其無相尤者。爾又不克輔助之。雁行中斷。而嫠婦無依。藐孤何托。爾又不能撫之教之。此皆人情之所不平者也。夫人孰無父母。兄弟妻子屬在。妻子尤情所私也。而爾何如哉。僅有一子。幾及成人。不善培養。致令橫暴以亡。此天降之罰。爾心其忍乎。前室釵分。早

成夢幻。繼妻旂綴。僅饜糟糠。一棺委於蟻封。一
首蓬於蝸室。兩女堪憐。相攸偏拙。有家者食甘
蓮。而心苦在室者。壓金線兮爲人。嗟薄命之紅
顏。怨癡頑之老子。此亦無德無福之明驗也。爾
心其安乎。若乃門庭不潔。棟宇難支。風雨驚心。
豈少陵之茅屋。蒿萊滿徑。匪蔣生之蓬廬。爾皆
坐視。而若罔聞知也。爾之居家。至於如此。爾卽
三死不足償。而又奚爲耶。假爾之爲人。縱弗能

博高顯也。卽抱關擊柝。亦可乘時。縱弗能藏鏹
百千萬也。卽牽車服賈。亦可致養。爾縱不能有
高門之慶。有亢宗之名。但使一室肯掃。數口無
饑。此亦庸庸者之常分。奈何世重富貴。而爾長
貧賤。世徇聲名。而爾甘泯沒。世宜巧捷。而爾偏
滯拙。世喜阿諛。而爾但愚憊。世尙浮華。而爾耐
樸。邀世習欺詐。而爾必真率。爾自言其誠。人不
爾信。爾自安其素。人不爾知。婞直可以亡身。偏

如崇伯沈湎而終罵座。或類灌夫既無所長實多所短。安望人諒爾之心哉。且人事之至不堪而一心之至易負者。莫如教讀爾於他事。皆不爲此獨爲之。尤爾之謬也。所利蠅頭。乃身匏繫常虞得失。總患絀支。呼將伯於同人。希河潤於戚屬。終身之苦。樂歲猶然。况在人之教讀。或傲天之幸。而博利博名。或盡我之心。而无咎无譽。獨爾則所向之皆戾。何其寔也。蓋人以其金玉。

芝蘭之愛寵。而託之於爾。欲爾之時雨化之。而不宜震以風雷也。欲爾之金丹藥之。而無庸砭其膏肓也。且也。或爲相門之種。或有多藏之遺。或如鳳之一毛。與麟之一角。並幾生之修得。享多福而不疑。嬌慙之性。勿容忤也。傲惰之習。末由懲也。榆莢揚花。飛揚宜自得也。鶯聲燕語。依稀貴自然也。或欲刻三年之楮。或思開頃刻之花。爾乃不能推心而置其腹。藉手以代其筆。又

不能善誘於途之迷。發蒙於夢之囈。而強責以專心。致志童子之童心。牢籠無術主人之主見。齟齬爲憂耳。龔舌敝徒歎末如之何。形槁心灰。更是不堪言喻。嗚呼。歷三十年於茲。無一二人見效。枉費人之修俸。又不足以贍家。而徒有負心之愧。今且厄於時災。窘於地位。量入不堪。爲出剜肉。何以醫瘡。人生實難。朝不及夕。爾何不知變計。而甘心於坐困。是爾又誠不如死也。嗟乎。爾誠不如死。第我不知爾之何以死耳。夫不死而已。無異於死。爾固不如死之爲愈。然死而不得其所以死。爾又死而不安。爾不死而瓠落之形。固無以自處。爾果死而缺然之恨。又何以自償。此惟爾不知所以爲生。是以不得所以爲死也。吾爲爾咎。吾爲爾傷矣。夫古人之死。有鶴爲弔客者。有蠅爲弔客者。今爾并不煩弔。以青蠅也。况鶴乎哉。獨是不死之死。可痛有甚於

死者吾惟與爾。非他人不能默。默已也。爾其知也耶。其不知也耶。嗚呼哀哉。

實事實境。實理實情。祇堪自喻。不易索解人也。惟不易索解人。聊作此以自悼。豈曰閒情別致。玩弄筆墨。消遣時光而已哉。丁未孟夏朔。撰時年五十有六。自記

不波先生長髯善飲。工詩詞。然秉性木強。所如寡合。年逾杖國。尚冷一瓊。予特錄此一篇。

文章遊戲三編

卷四

三

以見其概。實非其遇云。

繆蓮仙

寄葉雙鳳校書書

楊眷主

春。光。欲。去。好。夢。將。闌。迴。思。永。夕。盟。心。尙。記。前。言。
在。耳。無。如。橋。成。鵲。尾。詎。肯。填。河。珠。出。蚌。胎。安。能。
滿。斛。罔。結。三。生。之。契。徒。縈。九。轉。之。思。未。能。玉。女。
於。成。先。被。金。夫。所。誘。斯。豈。僕。能。逆。料。亦。非。卿。所。
樂。從。也。顧。卿。既。見。奪。於。沙。吒。利。而。僕。又。未。逢。夫。
古。押。衙。坐。使。蟬。過。別。枝。鳩。居。我。室。事。已。如。是。吾。
復。何。言。卿。其。勉。效。新。粧。毋。傷。遠。隔。嗟。乎。吸。花。間。
之。露。蝶。戀。難。期。棲。柳。上。之。煙。鶯。偷。莫。望。請。從。此。
逝。長。與。子。辭。矣。把。筆。淚。垂。臨。箋。腸。斷。諸。惟。珍。重。
無。任。悲。酸。外。附。玉。玦。一枚。銀。剪。二。事。用。呈。蘭。閣。
聊。伴。蕪。函。幸。乞。鑒。存。勿。嫌。翰。褻。

侯門一入深如海。從此蕭郎是路人。別緒黯
然同聲浩歎。 繆蓮仙

代馬面寄牛頭書

姜詔

牛頭足下。僕以駑駘之質。戀棧有年。昂首長嘶。實滋顏汗。足下高山流水。琴已謝夫。知音春雨。斜陽笛更翻。夫古調效蹒跚於丞相。學哮吼於班頭。羨甚妒甚。僕一生蹇劣。半世驅馳。雖骨力猶強。而精神漸減。古言馬背不如牛背。穩豈欺我哉。昨晤獄主靈官云。足下目前偕句魂使者。登刀山。坐剝衣亭。遠眺復看花於桃林之野而

文章游戲三編卷四

三

歸如此游日。騁懷令人有志在千里之歎。僕年來齒已加長。不克絕塵而奔。惟以伏櫪爲愧耳。今晨過潦河橋。見血汚池畔。有賣鬼螺螄者。出紙錢購得數升。擬邀足下約巫仰山兄及伊合嗣阿壽同往孟婆庄小酌一敘日之夕矣。倘蒙喘月而來。鞭雖長乎敢走逆風以俟。馬面謹啟。雖言出自鬼。而句好如仙。豈冥中司獄衙門。亦有掌書記之朋友耶。何翩翩乃爾也。湯小

同寅協恭。原不過樂佚遊已耳。誰謂艷都城
僚友。遂風馬牛不相及乎。繆連仙

文章遊戲二編卷四

毛

寄郁小呂書

調寄沁園春

繆良

三月睽違正。塵遐思忽來手書。急開緘捧誦。欣
知一切。下帷新就。快慰奚如。僕也不才。一瓊干
里落落。因人善狀。無惟叨庇。幸體中翰。適遠念
堪舒。只憐未賦。歸與尙不得。登堂問起居。憶
書齋課讀。吾兄健否。繡窗針黹。尊嫂安乎。泰水
康寧。慈闈清吉。還望佳音。寄鯉魚。匆匆耳。奈情
長紙短。不盡言餘。

文章遊戲三編卷四

三

情文交至。純任自然。吳勤齋

寄示三兒允元書

調同前

繆良

三月離家屈指行程一千里餘念支持門戶吾
兒能否操勞并曰汝母安乎姊妹須和弟兄當
睦孝友先期遠慰予尤宜記勿嬉游惰慢努力
詩書家中近事何如奈四壁蕭然助歎吁况
親知貌合孰爲予恤友朋膜視誰是叩須柴米
油鹽嗷嗷八口料得開門一件無燈前寫覺餘
言未盡淚已成珠

文章游戲二編

卷四

完

以填詞爲修書自是創格而兩作均大氣盤
旋明白如話是能於蘇辛周柳之外別樹一

幟者

揚小竹

語語真切對此令我輒喚奈何

兄敬齋

吳衡一新婚戲索繡製啟 湯 誥

鳳舞衫文共詫新粧之豔蓉藏褥繡爭傳花樣之奇惟我良朋夙稱詞伯知君嘉耦定是針神幾度閨中擘就絲絲弱線十年窗下唾來點點殘絨描摹真色以如生補綴春光而欲活刺將翡翠障自從君繡出鴛鴦看還任客望新花之五色如遇麴以流涎羨巧製之千般願處膏而沾潤僕枝同襪綫知未度夫金鍼才愧色絲不

文章遊戲二編 卷四

三

足量夫玉尺肘後鮮文章之麗截蕙爲紳腰間之纂組之華紉蘭作佩特以同袍之雅知饒贈帶之情祈勅侍兒爲分幾種紅窗檢得無異明璫翠羽之遺青鳥啣來何殊尺璧寸瓊之贈傳諸好事美無弗彰莫解貪心多而益善是以我用我法聊成四六之篇還期子取予求不憚再三之索

韻事韻文讀之香生齒頰 繆蓮仙

繆蓮仙姚氏書目序評

曹斯棟

書癡不必在藏書家也。儘有藏而不癡，癡而不藏者。惟借人之藏以成我之癡，是之謂書癡。此惟蓮仙可以當之。無愧篇中有願以書癡之名讓姚氏句，鄙意殊不謂然。顧蓮仙癡於書，又癡於情，蓋無之而不癡者，也無之而不癡，斯無之而不窮矣。噫。

先生余所師事者也。曩輯文章遊戲初編，先

文章遊戲二編卷四

三

生曾爲撰序，并刊其師卦及自述道曲一套。嗣以遠館來粵，音問稍阻。今夏適有二編之刻，正擬郵索，近作附梓以傳。忽聞先生於去歲已歸道山，不勝泫然。因遍搜行篋，斷箋零墨，絕少存者。惟拙稿中尙有評語一則，急爲登入，以志向往。寥寥數語，彌足珍已。繆蓮仙

懼內嘲

湯春生

竊以天道化生萬物。必賴坤成。男兒志在四方。尤資內助。同甘獨苦。勞哉十月辛勤。就涇推乾。瘁矣三年鞠育。此顧宗祧而動念。君子所以有伉儷之求。瞻井白而興思。聖人所以有婚姻之制也。彼懼內者。始則不遜之聲。尚大施而小報。繼則如賓之敬。竟有往而無來。祇緣兒女深情。遂使英雄短氣。窗前魔女坐縱黃。力士只得

文章游談三編卷四

七

頭低牀上藥。又眠即金甲。神人能無汗。下秋砧。萬杵敲殘夫婿之肌。夜案孤燈。揉斷郎君之膝。臂上之天桃。片片敲得牙痕背。間之新月彎彎。招將爪印。當是時也。地下已多碎膽。天邊更有驚魂。北宮黜未必不逃。孟施舍焉能無懼。每見氣如雷迅。及歸內室。頓消無何有之鄉。常聞面若霜嚴。比入中庭。遂多不可問之處。豈是骷髏之粉。號贊卿卿。奚爲骯髒之身。拜偏僕僕。猶可

解者西子與王嬙再世何妨稽首皈依最難平
者無鹽其媼母重生也要志心朝禮怒櫻雌虎
則雙孔撩天鳴聽牝雞則五體投地將挫霸王
之氣賴此鴻溝抑拘客子之心藉茲鳥道然生
同室而死同穴詎教白首徒傷乃暮行雨而朝
行雲輒欲紅顏自炫悲風凜凜吹殘翠閣之春
怒浪滔滔淹透藍橋之月又或盛會方逢良朋
卽座樽中酒竭且由伊下逐客之書戶外屢疎

女意游戲二編 卷四

遂自我廣絕交之論甚而鴈序分飛誼已傷於
荆樹鴛鴦再覓恩竟絕於蘆花故矍鑠商公七
秩而薦薤未締半騷杜子一生而桃柳常攀恨
何如之哀可知已嗚呼魚名比目翻成附骨之
疽鳥號同心轉致剝膚之痛髯如戟者若此膽
似斗之謂何固不肯從鹿苑內割斷塵緣又豈
能向蠶室閒掃除孽種惟願鍾情才子樂善仁
人挽狂浪於愛河揮毒煙於慾焰庶幾惹洞中

之。桃。露。螭。戀。常。逢。衝。溪。畔。之。楊。煙。鷺。偷。可。冀。箕。
終。伴。帚。秤。自。隨。鉞。青。獅。莫。吼。其。洪。聲。赤。蟒。弗。噴。
夫。鮮。血。準。之。七。出。娘子。軍。靡。已。聞。風。律。以。三。從。
夫。人。城。破。堪。計。日。矣。

聊齋志內向有妬婦四六文一篇久播人口
余藉作藍本妄行添鼠塗改戲易爲懼內之
作極知點金成鐵定見罪於良工也自記
初編所錄懼內供狀已極形容此作翻陳出

文真游戲二編卷四

書

新尤能鞭碎入裏彼懼內者何堪卒讀耶繆蓮仙

十八四六

湯春生

人。自。九。峯。初。至。九。疊。夫。雙。客。從。三。泖。行。來。三。盈。其。六。司。惟。少。女。排。行。不。異。封。姨。位。列。應。真。次。序。宛。同。羅。漢。考。之。明。堂。位。議。定。制。於。一。年。昔。者。大。司。徒。溥。教。思。於。三。物。史。傳。典。午。存。幾。家。之。晉。書。法。立。當。塗。定。成。篇。之。魏。律。登。岱。宗。而。探。策。鶴。算。長。延。躋。喬。嶽。以。支。節。羊。腸。曲。繞。詩。別。滄。浪。之。體。毬。攢。綺。繡。之。花。重。卦。變。成。於。六。爻。土。德。旺。分。於。

文章游戲二編 卷四

五

四。季。倘。合。橫。行。河。朔。少。宋。江。之。半。朋。苦。教。結。侶。香。山。倍。樂。天。之。一。數。虞。廷。十。六。族。更。具。二。難。趙。國。十。九。人。僅。弱。一。个。灘。流。曲。折。入。章。貢。以。迷。津。澗。水。縈。迴。指。理。安。而。問。渡。羊。頭。當。處。記。點。而。手。不。須。回。牛。氏。諫。時。隨。答。而。口。真。莫。解。詩。書。春。禮。易。分。爲。鄉。會。之。房。紅。藍。白。金。銀。全。具。正。從。之。品。時。維。正。月。共。知。魂。出。之。期。人。有。童。心。不。改。年。來。之。歲。嶺。南。果。熟。荔。可。名。娘。河。北。花。開。李。曾。稱。子。

蔡文姬胡笳記拍古調空聞李令公悲薤登盤
清燥獨絕刀槍劍戟武具紛攜硯墨賤毫文另
各掌一枝塞北長爲碧草之花五月江南變是
黃梅之節銅記子男之數主客是司錢誇銖兩
之多孔方有譜喚來玉唾聽其自乾打盡珠盤
箕無遺策或緊或慢鐘聲乍吼蒲牢有短有長
謎語會傳樓米無端詬詈牽代代之祖宗何意
泥犁墮層層之地獄吉則生松於丁固庸建上

文章游戲三編卷四

三

公○凶○則○拆○字○於○杏○娘○死○喪○無○日○戲○記○江○湖○之○本
篇○稽○山○海○之○經○奏○議○則○判○作○多○門○太○學○則○分○爲
各○號○表○奇○勳○於○泗○水○爵○重○通○侯○圖○碩○學○於○開○元
象○羅○羣○彥○假○使○無○慚○學○士○何○妨○特○啟○瀛○洲○如○其
有○愧○高○賢○未○許○重○開○蓮○社

徵材數典緣知書讀十年比事屬詞豈僅才
量八斗指屈二九之數題目既新手段四六
之篇文心尤妙 繆蓮仙

隨卦

繆 艮

隨。小亨利貞。无咎。彖曰。隨。羣來而下柔媚而悅。隨。小亨貞。无咎。而室內隨之。隨之時義大矣哉。象曰。隨中有媒。隨君子以嚮晦入冥息。初九官有愉貞吉。出門隨有騶。象曰。官有愉。從愛吉也。出門隨有騶。不徒也。六二係小子。失丈夫。象曰。係小子。弗兼愛也。六三係丈夫。失小子。隨有難。悅利。司閹象曰。係丈夫。志舍後也。九四隨有獲。貞吉。有權在勢。以凌何咎。象曰。隨有獲。其義吉也。有權在勢。易虐也。九五孚于家。吉。象曰。孚于家。吉位正當也。上六威遲之。乃從拘之主。用放于他方。象曰。威遲之上窮也。

文章游戲二編 卷四

七

蟻慕羶於肥羊。狐假威於猛虎。若輩逞其伎倆。豪燄熏人。可恨可鄙。作者盡情摹繪。如夏鼎之鑄。姦溫犀之燭。怪慎毋合。嚴府牛二太

爺見也。

湯小眉

大壯卦

繆 艮

大壯。膨亨。彖曰：大壯，大者壯也。食以肉，故壯。大壯，膨亨，大者肥也。肥大而食肉之量可見矣。象曰：腹在膝上，大壯君子以非肉不飽。初九壯于體，征凶，有輿象。曰：壯于體，其行窮也。九二：暑吝。象曰：九二暑吝，以中。讀去聲也。九三：富家用壯，寡人用罔。貞厲，如鼠飲河，盈其腹。象曰：侏儒常飽，方朔饑也。九四：貞吉，悔亡。體胖不羸，壯于大牯之腹。象曰：體胖不羸，尚飽也。六五：臥牛于草，无悔。象曰：臥牛于草位，正當也。上六：牯牛觸藤，不能退，不能遂，无攸利。眠則吉。象曰：不能退，不能遂，頽頂也。眠則吉，習宴安也。

活畫出豚肥之狀。蹢躅之態。作者獨不怕董卓祿山一輩人自慚形穢，惱羞成怒耶。湯小

眉

大畜卦

繆 艮

大畜。利貞。得芻牧吉。利耕大田。象曰：大畜，腹牝，臃腫膨脹，日盡其力，繭粟而尚，犧能享帝，大正也。得芻牧，吉養牲也。利耕大田，制于人也。象曰：牛在田中，大畜君子以多務，犁雲鋤雨，以用其力。初九有病厲已，象曰：有病厲已，終犯屠也。九二輿脫輹，象曰：輿脫輹，輒无縛也。九三良馬逐利艱貞，日任車載，利有攸往。象曰：利有攸往，亦

文章游戲二編卷四

受制也。六四得氣之臭，元吉。象曰：六四元吉，自大也。六五寄人之籬，吉。象曰：寄人之籬，有養也。上九集富之庭，亨。象曰：集富之庭，道大同也。摹情繪態，如一幅戴嵩圖畫。湯小眉

解卦

繆 艮

解利江鄉。无小大。其來秋吉。有攸獲。食吉。豕曰解。剝以肉食。而棄乎穀。解利江鄉。往得衆也。其來秋吉。乃時中也。有攸獲。食吉。嗜所同也。秋月解。而團尖別。團尖別。而薑米醋汁皆拌食。解之時美矣。故象曰。薑醋蘸解。君子以持螯大嚼。初六。无腸象曰。公子之狀。義无腸也。九二。田獲稻梁。得黃甲。貞吉。象曰。九二貞吉。得中。

讀去聲

文章游戲二編卷四

也。六三。橫以行。致烹至。貞吝。象曰。橫以行。亦可醜也。自我致烹。又誰咎也。九四。解而肥。朋至斯饗。象曰。解而肥。正及時也。六五。君子肴有解。吉。分甘于小人。象曰。君子有解。小人分也。上六。宵用設。籩于高燈之下。獲之。无不利。象曰。宵用設。籩以解萃也。

逐層描寫盡致。讀之幾合饞徒咽唾。餓漢流涎。
湯小眉

小畜卦

繆 艮

小畜凶。薄雷不雨。自我南交。象曰：小畜柔得位而上下應之。曰：小畜健而巽，昏中而易盈，乃凶。薄雷不雨，尚響也。自我南交，冬未寧也。象曰：蟲飛牀上，小畜君子以擬文德。初九伏自晝，何其咎。吉。象曰：伏自晝，其義吉也。九二垂帳吉。象曰：垂帳居中，亦不自失也。九三愰脫幅，夫妻反目。象曰：夫妻反目，不能同夢也。六四有膚，拂去血。出无咎。象曰：有膚血出，孚撻死也。九五有膚，羸如。嚙以其隣。象曰：有膚羸如，不獨嚙也。上九既雨，既暑。尚濕，載貞厲。月幾夏。君子宵凶。象曰：既雨，既暑，溼積聚也。君子宵凶，羣喙叢也。

詩之刺讒也。以青蠅君之刺讒也。以白鳥紛
紛擾擾。災及剝膚。讀此恨不烹盡鷓禽。砍徧

柁樹。湯小眉

師誥

繆良

師歸自度歲。至于館。復告諸生。師曰。嗟爾諸生。有衆。仍聽予一身告。惟思上帝。曷衷于下民。若有靈性。克修厥躬。惟學在昔。逃塾浪游。以紊亂于爾一堂。子弟爾一堂子弟。染其浮習。弗忍鞭扑。並告無辜于爾父。諸昆師道草故。圖新薄懲。于舊以彰厥過。肆諸小子。將師命。明承不敢。縱敢蹈故轍。敢從事于玩時。愒日厥罪。弗赦。聿懷。

文章游戲二編卷四

同學與之努力。以與爾有衆。提命自今。親近老成。匪人黜伏。師命弗替。賁若草木。諸生允殖。俾子一朝。化裁爾諸生。茲汝未宜。獲戾于師傅。慄慄危懼。若將居于下流。凡我諸生。無從匪。彝無卽。陷淫。各守爾業。以承書香。爾有善。予弗敢蔽。責當予躬。弗敢自逸。惟簡在主人之心。其爾諸生。有咎在予。一身予。一身有咎。無以爾諸生。嗚呼。尚克時遵。乃亦有終。

商書灝灝此作酷肖其神。非泛爲點竄一典
比也。湯小眉

文章游戲二編卷四



